

24.03.2022

UPA2022/156

Ukiumoortumik naatsorsuutit pillugit inatsisissamik allannguutit pillugit inatsisini assigiinngitsuni aalajagersakkat ilaat kunngip peqqussutaatigut Kalaallit Nunaanni atuutilersinneqarnissaannik Namminersorlutik Oqartussat akuersissuteqarnissaat pillugu Inatsisartut aalajagiiffigisassa.

(Inuussutissarsiornermut, niuernernullu naalakkersuisoq)

Naalakkersuisoq saqqummiusnaanut qutsavigalugu Siumumiit ima oqaaseqarfigissavarput.

Ukiakkut 2021 Inatsisartut ataatsimiinnitsinni Kalaallit Nunaanni inuussutissarsiornermut sammisumik maleruagassiuinernik nutarterinerit annertuut akuersissutigaaavut.

Taamatullu akuersissuteqarnitta kingunerisaanik Inatsisinut Kunngillu peqqussutaatigut allannguinerit malitsigisaasa kingunerisa ilagivaat.

Maluginiarparput pisortanut, namminersorlutik inuussutissarsiortunut kiisalu innuttaasunut aningaasaqarnikkut sunniuteqassanngitsut.

Allannguinerit ingerlatseqartigiiffinnik namminersorlutillu inuussutissarsiortunut pisortat nakkutilliinerannut ajornannginnerulersitsisussaavoq. Taamatullu namminersorlutik inuussutissarsiortunut oqilisaataasussaalluni.

Naalakkersuisumut akisussaasumut kaammattuutigerusupparput kunngip peqqussutaanik atuuttuulersitsinernik maani saqqummiussisaqattaarnermini oqartussaaffiup tamakkiisumik akisussaaffigilernissaanik alloriarfiusinnaasumik suliamik ingerlatsissasoq.

Taamatut oqaaseqarfigalugu ataatsimiititaliami suliarineqarnissaa innersuussutigaarput.

Karl Tobiassen, Siumut.